



**REPUBLIKA E SHQIPERISË  
KOMISIONI QENDROR I ZGJEDHJEVE**

**V E N D I M**

**PËR DHËNIEN E MANDATIT TË DEPUTETIT TË KUVENDIT TË SHQIPËRISË, KANDIDATIT TË LISTËS SHUMEMËRORE TË PARTISË DEMOKRATIKE, QARKU GJIROKASTËR, PËR PLOTËSIMIN E VAKANCËS SË NJOFTUAR NGA KUVENDI I SHQIPËRISË**

Komisioni Qendror i Zgjedhjeve në mbledhjen e datës 18.04.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me

**Objekt:** Për dhënien e mandatit të deputetit të Kuvendit të Shqipërisë, kandidatit të listës shumëmemërore të Partisë Demokratike, Qarku Gjirokastrë, për plotësimin e vakancës së njoftuar nga Kuvendi i Shqipërisë, pas dorëheqjes nga mandati i deputetit, z. Tritan Masar Shehu.

**Kërkues:** Kuvendi i Republikës së Shqipërisë.

**Baza Ligjore:** Neni 23, pika 1, germa "a", neni 164 pika 2, neni 175 pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar.

Komisioni Qendror i Zgjedhjeve pasi shqyrtoi dokumentacionin e paraqitur dhe dëgjoji diskutimet e përfaqësuesve të partive politike,

**VËREN**

Nëpërmjet shkresës nr. 792/1 prot., datë 25.02.2019, drejtuar Komisionit Qendror të Zgjedhjeve, Sekretari i Përgjithshëm i Kuvendit z. Genci Gjonçaj, njofton krijimin e vakancave në Kuvendin e Shqipërisë, për shkak të përfundimit të parakohshëm të mandatit të deputetit të zonës zgjedhore të subjektit politik Partia Demokratike, Qarku Gjirokastrë.

Neni 164 i Kodit Zgjedhor përcakton se në rast të ndërprerjes së mandatit të deputetit, Kuvendi njofton Komisionin Qendror të Zgjedhjeve, për krijimin e vakancës në Kuvendin e Shqipërisë dhe Komisioni Qendror i Zgjedhjeve merr vendim për dhënien e mandatit, kandidatit të radhës në listën shumëmemërore, të së njëjtës parti politike në zonën zgjedhore përkatëse, regjistruar sipas nenit 67 të Kodit Zgjedhor.

Komisioni Qendror i Zgjedhjeve me vendimin nr. 555, datë 26.07.2017, shpalli rezultatin përfundimtar të zgjedhjeve për Kuvendin e Shqipërisë datë 25.06.2017, si dhe miratoi listën emërore të deputetëve të zgjedhur për çdo subjekt për çdo zonë zgjedhore. Sipas vendimit të sipërcituar Partia Demokratike për zonën zgjedhore Qarku Gjirokastrë, për zgjedhjet për Kuvendin e Shqipërisë të datës 25 Qershor 2017, ka fituar 01 (një) mandat dhe kandidati fitues nga lista shumëmemërore e Partisë Demokratike, Qarku Gjirokastrë, është z. Tritan Masar Shehu.



**Nr. 178 i Vendimit      Data 18.04.2019 e Vendimit      Ora 12:00 e Vendimit**

Për dhënien e mandatit të deputetit të Kuvendit kandidatit të radhës të listës shumëmemërore të Partisë Demokratike, Qarku Gjirokastrë, për plotësimin e vakancës së njoftuar nga Kuvendi i Shqipërisë

Rezultoni se lista shumemërore e Partisë Demokratike, Qarku Gjirokastrë, nuk i plotëson të gjitha kriteret e përcaktuara në nenin 67 të Kodit Zgjedhor, duke përfshirë dhe kriterin e gjinisë, duke mos patur tridhjetë për qind të listës shumemërore nga secila gjini. KQZ me vendimin nr. 566, datë 05.10.2017, vendosi sanksionin administrativ gjorbë në masën 12.000.000 (dymbëdhjetë milion) lekë ndaj Partisë Demokratike.

Në bazë të nenit 175, pika 2 të Kodit Zgjedhor, KQZ në rast vakance të krijuar në mandatet e fituara nga lista shumemërore e Partisë Demokratike, në Zonën Zgjedhore Qarku Gjirokastrë, duhet të zbatojë dhe sanksionin plotësues, duke zëvendësuar vakancën e krijuar me kandidatin e radhës nga gjinia më pak e përfaqësuar.

KQZ, pas njoftimit nga Kuvendi për krijimin e vakancës, për shkak të heqjes dorë nga mandati i deputetit të Kuvendit të Shqipërisë, të subjektit politik Partia Demokratike, Qarku Gjirokastrë, i ka kërkuar kandidatin vijues të listës shumemërore me numër rendor 06 (gjashtë), dorëzimin e formularit të vetdeklarimit në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike". Komisioni Qendror i Zgjedhjeve me vendimin nr. 96 datë 27.03.2019, ka vendosur, të shpall moszgjedhshmërinë si deputet në Kuvendin e Shqipërisë të kandidatin të radhës në listën shumemërore të Partisë Demokratike, si rezultat i mos dorëzimit të formularit të vetdeklarimit brenda afatit ligjor.

Në bazë të nenit 175, pika 2 të Kodit Zgjedhor kandidati vijues nga gjinia më pak e përfaqësuar e listës shumemërore e Partisë Demokratike, për zgjedhjet për Kuvendin e Shqipërisë të vitit 2017, Qarku Gjirokastrë, është kandidati me numër rendor 07 (shtatë) znj. Fatjona Koço Dhimitri.

Në bazë të nenit 164, pika 2 e Kodit Zgjedhor, fjalia e fundit, kandidati vijues të cilit i kalon mandati i deputetit, është kandidati për Deputet me numër rendor 07 (shtatë), znj. Fatjona Koço Dhimitri.

Referuar nenit 11 të ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike", vetëdeklarimi dhe verifikimi i kushteve të të dhënave në përputhje me këtë ligj, kryhet për çdo kandidat të listës shumemërore për zgjedhjet pararendëse, për Kuvendin e Shqipërisë, të cilit i takon të marrë mandatin e deputetit për vendin vakant, sipas Kodit Zgjedhor.

Me shkresën nr. 1884 prot., datë 28.03.2019, znj. Fatjona Koço Dhimitri, është njoftuar për dorëzimin e formularit të vetdeklarimit, nëpërmjet njoftimit publik, sipas kërkesave të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe nenit 162 të ligjit nr. 44/2015 "Kodi i Procedurave Administrative".

Znj. Fatjona Koço Dhimitri, referuar ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", ka depozituar në Komisionin Qendror të Zgjedhjeve më datë 09.04.2019, formularin e vetdeklarimit me numër unik 2131, duke pranuar propozimin e organit për vazhdimin e procedurave për marrjen e mandatit.

Nga verifikimi i të dhënave në formularin e vetdeklarimit, të znj. Fatjona Koço Dhimitri, rezultoni se: nuk ka deklaruar dënime penale, masa sigurimi personal, urdhër kërkimi ndërkombëtar, dëbime.

Në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe kreut V, pika 2, germa "b" dhe pikës 3, germa "c", të vendimit të Kuvendit nr. 17/2016 "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015", Komisioni Qendror i Zgjedhjeve, me shkresën nr. 2286 prot., datë 10.04.2019, ka kërkuar informacion nga zyra e gjendjes civile dhe me shkresën nr. 2285 prot., datë 10.04.2019, ka kërkuar informacion nga zyra e gjendjes gjyqësore, për kandidatin për Deputet, Qarku Gjirokastrë, për Kuvendin e Shqipërisë, znj. Fatjona Koço Dhimitri.



KQZ, gjithashtu ka bërë publikimin e formularit të vetëdeklarimit në faqen zyrtare të internetit.

Me shkresën nr. V-1059/1 prot., datë 11.04.2019, zyra e gjendjes gjyqësore ka dërguar në Komisionin Qendror të Zgjedhjeve, verifikimin e gjendjes gjyqësore për kandidatin për Deputet, Qarku Gjirokastrë, për Kuvendin e Shqipërisë, znj. Fatjona Koço Dhimitri, sipas të cilës rezultoi se është e padënuar nga gjykatat Shqiptare.

Drejtorja e Përgjithshme e Gjendjes Civile nuk i ka kthyer ende përgjigje kërkesës tonë.

Nga verifikimi i të dhënave në formularin e vetëdeklarimit të znj. Fatjona Koço Dhimitri, rezultoi se, nuk është deklaruar asnjë e dhënë që ka të bëjë me kushtet e ndalimit të zgjedhjes në funksionin e deputetit, sipas ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike".

Për sa më sipër, mandati i ndërprerë i përket kandidimit të radhës të listës shumëmemërore e Partisë Demokratike në zonën zgjedhore Qarku Gjirokastrë, i renditur me numër rendor 07 (shtatë), znj. Fatjona Koço Dhimitri.

### **PËR KËTO ARSYE:**

Komisioni Qendror i Zgjedhjeve, mbështetur në nenin 23, pika 1, germa "a", neni 164 pika 2, neni 175 pika 2, të ligjit nr.10019, datë 29.12.2008 "Kodi Zgjedhor i Republikës së Shqipërisë" i ndryshuar,

### **VENDOSI:**

- 1-** T'i japë mandatin e deputetit të Kuvendit të Republikës së Shqipërisë, kandidimit të radhës në listën shumëmemërore të Partisë Demokratike, Qarku Gjirokastrë, znj. Fatjona Koço Dhimitri.
- 2-** Ky vendim hyn në fuqi menjëherë dhe botohet në Fletoren Zyrtare.
- 3-** Kundër këtij vendimi mund të bëhet ankim në Kolegjin Zgjedhor, pranë Gjykatës së Apelit Tiranë, brenda 5 ditëve nga shpallja e këtij vendimi.

<b>Klement</b>	<b>ZGURI -</b>	<b>Kryetar</b>
<b>Denar</b>	<b>BIBA -</b>	<b>Zv.Kryetar</b>
<b>Bledar</b>	<b>SKËNDERI-</b>	<b>Anëtar</b>
<b>Edlira</b>	<b>JORGAQI-</b>	<b>Anëtare</b>
<b>Rezarta</b>	<b>BITRI-</b>	<b>Anëtare</b>



**Nr. 178 i Vendimit      Data 18.04.2019 e Vendimit      Ora 12:00 e Vendimit**

Për dhënien e mandatis të deputetit të Kuvendit kandidimit të radhës të listës shumëmemërore të Partisë Demokratike, Qarku Gjirokastrë, për plotësimin e vakancës së njoftuar nga Kuvendi i Shqipërisë